

阿毘達磨大毘婆沙論卷第一百六

五百大阿羅漢等造
三藏法師玄奘奉 詔譯

智蘊第三中修智納息第四之二

藍字部分：《發智論卷八》釋論範圍

或有一智，攝一切智，謂：法智，非如法智，以智體是法故。
或有二智，攝一切智，謂：有漏智、無漏智。
或有三智，攝一切智，謂：法智、類智、世俗智。
或有四智，攝一切智，謂：前三智，加他心智。
或有五智，攝一切智，謂：世俗智及苦、集、滅、道智。
或有六智，攝一切智，謂：前五智，加他心智。
或有七智，攝一切智，謂：八智中，除他心智。
或有**八智**，攝一切智，謂：此中說：法智、類智、他心智、世俗智、苦智、集智、滅智、道智。

問：若此八智攝一切智，復有八智。謂：法住智、涅槃智、死生智、漏盡智、宿住隨念智、妙願智、盡智、無生智，如是八智，何智攝耶？

答：隨其所應，皆攝在此。謂：

- ①**法住智**：是「知因智」，正知三界下、中、上果，法所住因故。彼智即此四智所攝。謂：「法智」、「類智」、「世俗智」、「集智」。
- ②**涅槃智**：是「知滅智」，彼智即此四智所攝。謂：「法智」、「類智」、「世俗智」、「滅智」。

	法智	類智	他心智	世俗智	苦智	集智	滅智	道智
法住智	○	○		○		○		
涅槃智	○	○		○			○	
死生智				○				
漏盡智(法)	○	○		○			○	
漏盡智(身得)	○	○	○	○	○	○	○	○
宿住隨念智				○				
妙願智				○				
盡智	○	○			○	○	○	○
無生智	○	○			○	○	○	○

- ③**死生智**：即此「世俗智」所攝。
尊者妙音說：死生智，四智所攝。謂：法、類、世俗、苦智。
評曰：應知此中：前說應理。

- ④**漏盡智**：諸有，欲令緣漏盡-法，故名漏盡智者，四智所攝，謂：「法智」、「類智」、「世俗智」、「滅智」。
諸有，欲令漏盡-身得，故名漏盡智者，「八智」所攝。

- ⑤**宿住隨念智**：「世俗智」所攝。
尊者妙音說：宿住隨念智，六智所攝。即八智中，除他心智，緣過去法故；及除滅智，緣有為法故。
評曰：應知此中：前說應理。

⑥妙願智：「世俗智」所攝。

尊者妙音說：妙願智，八智所攝。謂：十智中，除盡、無生智，是見性故。

評曰：應知此中：前說應理。

⑦盡智、⑧無生智俱：六智所攝。除他心智，非見性故；及除世俗智，是無漏故。

由此八智，攝一切智。

尊者僧伽筏蘇說曰：應說一智。謂：決定智，以決定義，是智義故。

此「決定智」，有二差別：一者、有漏。二者、無漏。

若有漏者→由自性故，名「世俗智」。

若無漏者→由對治-差別故，復立二種：謂：

對治-欲界者，名「法智」；對治-色、無色界者，名「類智」。

即前三智，若能知他心、心所法，名「他心智」。

又無漏智→由行相，別復立四智：

若於苦諦作四行相轉者，名「苦智」。

…乃至若於道諦作四行相轉者，名「道智」。

問：若決定智，唯有一種、或二、或三，云何此中立有八智？

答：以五事故，立有八智：

一、對治故，立法、類智。

二、自性故，立世俗智。

三、加行故，立他心智。

四、行相故，立苦、集智。

五、行相所緣故，立滅、道智。

尊者左受作如是說：對治四種愚，故立有八智。

四種愚者：一、界愚。二、心愚。三、法愚。四、諦愚。

對治界愚，故立「法、類智」；對治心愚，故立「他心智」。

對治法愚，故立「世俗智」；對治諦愚，故立「苦、集、滅、道智」。

是名八智自性；我物、自體、相分、本性，已說智自性，所以今當說。

問：何故名智？智是何義？

答：「決定」義，是「智」義。

問：若爾！疑相應慧，應不名智，於所緣境，不決定故？

答：彼亦是智，一剎那頃於所緣境，亦決定故。然！此聚中，「疑」勢用勝，令心於境，多剎那中，猶豫不決，說名「疑聚」。

如三摩地，一剎那中，於境恒住。

有時若與掉舉相應，令多剎那，於境轉易，說名為「亂」。

又如有情，若多貪者，說名貪行。若多瞋者，說名瞋行。若多癡者，說名癡行。一一非不有餘煩惱。此亦如是，故無有失。

譬喻者說：若心有智，則無無知；若心有疑，則無決定；若心有鹿，則無有細。然對法者，所說法相，如闢叢林。調：一心中～有智、有無知，有非智、非無知，有疑、有決定，有非疑、非決定，有鹿、有細，有非鹿、非細。

阿毘達磨諸論師言：許法俱生，斯有何失？調：諸心所，展轉力生、一心相應，相用各別。智→調：般若。無知→調：無明。非智、非無知→調：餘心所法。疑→調：猶豫。決定→調：智。非疑、非決定→調：餘心所法。鹿→調：尋。細→調：伺。非鹿、非細→調：餘心所法。

如諸色法，異類俱生，心所亦爾，故無有失。

有作是說：於所緣境，重決擇義，是智義。

諸有漏慧，於所緣境，無始時來，數數決擇，故皆名智。

諸無漏慧，重決擇者，皆名為智。

唯無漏忍，於四聖諦，未重決擇，故不名智。

復有說者：由二義故，說名為智。調：證知義及了知義。

證知義者→調：證知苦乃至證知道，故名智。

了知義者→調：了知自相續、了知他相續，故名智。

已總說諸智，所以一一所以今當說。

①問：何故名法智？

答：智-體是「法」，故名「法智」。

問：若爾！餘智亦體是法，何故不名法智耶？

答：雖一切智體皆是法，而但於一，立「法智」名，如十八界、十二處、七覺支、六隨念、四念住、四證淨、四無礙解、三寶、三歸，皆體是法，而但於一，建立法名，此亦如是，故不應責。

復次，法智，但有一名，調：共名；餘智有二名，調：共、不共名。為簡別故，說不共名。

②類智

復次，初覺知法，故名「法智」；後覺知法，故名「類智」。

復次，若初得法，證淨相應智，故名「法智」；此後所得，故名「類智」。

復次，於現見法，得現量智，故名「法智」；此後所得，故名「類智」。

復次，欲界，多有非法煩惱，調：忿、恨、覆、惱、嫉、慳等相應煩惱，若智是彼-近對治者，名「法智」。

色、無色界，無有如是非法煩惱，對治彼者，法智後生，故名「類智」。

復次，若智六地所攝，能緣一地，說名「法智」；若智九地所攝，能緣八地，說名「類智」。此依有漏地說。

復次，若智六地所攝，能緣六地，說名「法智」；若智九地所攝，能緣九地，說名「類智」。此依無漏地說。

復次，若智對治十八界、十二處、五蘊者，名「法智」；若智對治十四界、十處、五蘊者，名「類智」。

復次，若智對治善、不善、無記五蘊者，名「法智」；若智對治善、無記五蘊者，名「類智」。

復次，若智對治福、非福、不動行者，名「法智」；若智對治福及不動行者，名「類智」。

復次，若智對治段食、姪欲愛者，名「法智」；若智對治諸定愛者，名「類智」。

③問：何故名「他心智」？

答：知他心故，名「他心智」。

問：此亦知他諸心所法，何故但名他心智耶？

答：以期心故。謂：修觀者，先起意樂，欲知他心，由此意樂，後知「心」時，亦知「心所」。如人意樂，本欲見王，後見王時，亦見臣等。

復次，諸法得名，由多緣故。謂：或由自性得名，如諦、如蘊、如世俗智；或由對治得名，如法、類智；或由加行得名，如他心智等；或由相應得名，如說樂受等相應法，名順樂受等法；或由所依得名，如眼識等；或由行相得名，如苦、集智；或由所緣得名，如念住等；或由行相所緣得名，如滅、道智。故由加行，名他心智。

復次，以心勝故，雖亦知心所，但名他心智，如王來等。

復次，以心是大地故，心所名大地法。

復次，證他心通無間道時，但緣心故。

復次，說心遠行、獨行等故。

復次，說心是前行等故。

復次，說心是增上王故。

復次，說心是城主故。

復次，說心是依趣故。

復次，說心能起善、惡戒故。

復次，說心能引善、惡趣故。

復次，心是內處，遍諸界地，有所緣故。

復次，心是所依，非心所故。

復次，若心行處，心所隨故。

復次，若心調伏、不調伏時，諸心所法亦如是故。

復次，若心流散、不流散時，諸心所法亦如是故。

由此等緣，此他心智，雖亦知心所，而名他心智。

④問：何故名「世俗智」？

答：知世俗故，名世俗智。

問：亦知勝義，何故但名「世俗智」耶？

答：雖亦少分知蘊、界、處、四聖諦等諸勝義法；而多分知男、女、往、來、瓶、衣、車乘、舍、林、山等世俗法故，名「世俗智」。

復次，此「世俗智」，實無智相。而諸世俗，共立智名。如非王種，但諸人眾，假想施設，共立王名。

復次，此「世俗智」，一切有情，展轉共許，無有諍論。如僧上坐，如悅眾人，眾所許故，名為「世俗」。

復次，此「世俗智」，遍諸有情，緣一切境，故名「世俗」。

復次，此「世俗智」，愚癡所依。繫屬愚癡，是愚癡者安立足處，故名「世俗」。

聲論者說：此世俗智，為諸無知之所覆蔽，如器中物器所覆蔽，故名世俗。

復次，此「世俗智」，為對治道之所變壞，為愚癡者之所欣尚，故名「世俗」。

問：何故名⑤苦智、⑥、⑦…乃至⑧道智耶？

答：緣「苦聖諦-四行相」轉故，名「苦智」…乃至緣「道聖諦-四行相」轉故，名「道智」。

行相	苦聖諦四行相				集聖諦四行相				滅聖諦四行相				道聖諦四行相			
	苦	空	無常	無我	集	因	生	緣	滅	靜	妙	離	道	如	行	出

問：諸世俗智，亦能緣四諦各四行相轉，豈名四智耶？

答：若唯緣苦諦，唯四行相轉者，名「苦智」…乃至若唯緣道諦，唯四行相轉者，名「道智」。

諸世俗智，於四聖諦或①一一別緣、或②二二合緣、或③三三合緣、或④四總緣、或⑤緣餘法、或⑥復總緣所起行相，亦不決定，故不名苦智…乃至道智，以雜亂故。

復次，若別緣四諦各四行相轉，不與苦、集同一縛者，名「四諦智」。
諸世俗智，雖亦有別緣四諦各四行相轉，而與苦、集同一縛，故不名四諦智。

問：此與滅、道不同一縛，何故不立滅、道智耶？

答：初不立故，後亦不立。

復次，若別緣四諦各四行相轉，能對治煩惱者，名「四諦智」。

諸世俗智，雖亦有別緣四諦各四行相轉，而不能對治煩惱，故不名四諦智。

復次，若別緣四諦各四行相轉，於四聖諦證見明了，不為見、疑、無明所惑，不增煩惱、不招三有，定趣涅槃者，名「四諦智」。

諸世俗智，無如是義，故不名四諦智。

復次，若別緣四諦各四行相轉，是聖性者，名「四諦智」。

諸世俗智，非聖性攝，故不名四諦智。

如是八智：

•界者→「他心智」：若有漏，是色界；若無漏，是不繫。

「世俗智」：通三界；餘六智：是不繫。

八智-界			
	欲界	色界	無色界
法智	×	×	×

類智	×	×	×
他心智（有漏）		○	
他心智（無漏）	×	×	×
世俗智	○	○	○
苦智	×	×	×
集智	×	×	×
滅智	×	×	×
道智	×	×	×

- 地者→「法智」，在六地〔未至、中間、四根地〕；「類智」，在九地〔六地加三無色地〕；「他心智」，在四地〔四根地〕；「世俗智」，在十八地。謂：八等至、八近分、靜慮中間及欲界；「餘四智」，法智攝者，在六地；類智攝者，在九地。

八智-地																		
	欲界	未至	初靜慮	靜慮中間	二靜慮近分	二靜慮	三靜慮近分	三靜慮	四靜慮近分	四靜慮	空無邊處近分	空無邊處	識無邊處近分	識無邊處	無所有處近分	無所有處	非想非非想處近分	非想非非想處
法智		○	○	○		○		○		○								
類智		○	○	○		○		○		○		○		○		○		
他心智			○			○		○		○								
世俗智	○	○	○	○	○	○	○	○	○	○	○	○	○	○	○	○	○	○
苦智-法智攝		○	○	○		○		○		○								
苦智-類智攝		○	○	○		○		○		○		○		○		○		
集智-法智攝		○	○	○		○		○		○								
集智-類智攝		○	○	○		○		○		○		○		○		○		
滅智-法智攝		○	○	○		○		○		○								
滅智-類智攝		○	○	○		○		○		○		○		○		○		
道智-法智攝		○	○	○		○		○		○								
道智-類智攝		○	○	○		○		○		○		○		○		○		

- 所依者→「法智」唯依欲界起；「他心智」唯依欲、色界起；「類智」、「世俗智」俱依三界起；餘智，「法智」攝者，唯依欲界起；「類智」攝者，通依三界起。

八智-所依			
	欲界	色界	無色界
法智	○		
類智	○	○	○
他心智	○	○	
世俗智	○	○	○
苦智（法智攝）	○		
苦智（類智攝）	○	○	○
集智（法智攝）	○		
集智（類智攝）	○	○	○
滅智（法智攝）	○		
滅智（類智攝）	○	○	○
道智（法智攝）	○		
道智（類智攝）	○	○	○

- 行相者→「法智」、「類智」，俱作十六行相；「他心智」，無漏者，作道四行相；有漏者，作不明了行相；「世俗智」，作十六行相，亦作餘行相；「苦智」、「集智」、「滅智」、「道智」，各作四行相。

八智-行相																
八智	苦				集				滅				道			
	苦	空	無常	非我	集	因	生	緣	滅	靜	妙	離	道	如	行	出
法智	○	○	○	○	○	○	○	○	○	○	○	○	○	○	○	○
類智	○	○	○	○	○	○	○	○	○	○	○	○	○	○	○	○
他心智(有漏)	不明了行相															
他心智(無漏)													○	○	○	○
世俗智	○	○	○	○	○	○	○	○	○	○	○	○	○	○	○	○
	亦作餘行相															
苦智	○	○	○	○												
集智					○	○	○	○								
滅智									○	○	○	○				
道智													○	○	○	○

問：諸苦智，皆作苦行相轉耶？

答：應作四句。

- ①或有苦智，非作苦行相轉：謂：苦智，作非常、空、非我行相轉。
- ②或有作苦行相轉，非苦智：謂：作苦行相轉-苦智相應法。
- ③或有苦智，亦作苦行相轉：謂：作苦行相轉-苦智。
- ④有非苦智，亦非作苦行相轉：若唯取此種類者，謂：作非常、空、非我行相轉-苦智相應法。
若不唯取此種類者，謂：除前相。

如轉有四句；已轉、當轉，應知亦爾。

如苦智對苦行相，有三-四句；對非常、空、非我行相，應知亦爾。

如苦智有十二句；集、滅、道智，應知亦爾。

如是總有四十八四句。

- 所緣者→法智、類智：俱緣四諦；他心智：緣他心、心所法。
世俗智：緣一切法；苦智：緣苦諦；集智：緣集諦。
滅智：緣滅諦；道智：緣道諦。
- 念住者→他心智是三念住，除身念住；滅智是法念住；餘智通四念住。
- 智者→此八智，即是八智。
- 三摩地者→法智、類智：三三摩地俱。
他心智：無漏者，道、無願三摩地俱；有漏者，非三摩地俱。
世俗智：非三摩地俱。
苦智：空、無願三摩地俱；集智：集、無願三摩地俱。
滅智：無相三摩地俱；道智：道、無願三摩地俱。
- 根相應者→世俗智：五根相應；餘智：三根相應，謂：樂、喜、捨。
- 三世者→此八智，皆通三世。
- 緣三世者→法智、類智、世俗智：皆緣三世及離世。
他心智：過去緣過去，現在緣現在，未來生法緣未來不生法，緣三世。
滅智：緣離世；餘智，緣三世。
- 善、不善、無記者→世俗智：通三種；餘智：唯是善。
- 緣善、不善、無記者→類智：緣善、無記；滅、道智：唯緣善；餘智：緣三種。
- 三界繫、不繫者→他心智：若有漏，色界繫；若無漏，是不繫。
世俗智：通三界繫；餘智：是不繫。
- 緣三界繫、不繫者→法智：緣欲界繫及不繫；類智：緣色、無色界繫及不繫。

他心智：緣欲、色界繫及不繫；世俗智：緣三界繫及不繫。

苦、集智：緣三界繫；滅、道智：緣不繫。

•學、無學、非學非無學者→他心智：通三種；世俗智：唯非學非無學。

餘智：是學、無學。

•緣學、無學、非學非無學者→法、類、世俗、他心智：皆緣三種。

苦、集、滅智：唯緣非學非無學。

道智：緣學、無學。

•見、修所斷、不斷者→他心智：若有漏，修所斷；若無漏，是不斷。

世俗智：是見修所斷；餘智：是不斷。

•緣見、修所斷、不斷者→法、類、世俗、他心智：緣三種。

苦、集智：緣見、修所斷；滅、道：緣不斷。

•緣名、緣義者→法、類、世俗、苦、集智：通緣名義；餘智：唯緣義。

•緣自、他相續、非相續者→法、類、世俗智：緣三種；他心智：緣他相續。

苦、集、道智：緣自、他相續；滅智：緣非相續。

•加行得、離染得、生得者→世俗智：通三種；餘智：通加行、離染得。

•曾得、未曾得者→他心、世俗智：通曾得、未曾得；餘智：唯未曾得。

復次，法智有四種：一、於法-初知，故名法智。二、於法-現知，故名法智。

三、於法-實知，故名法智。四、於法-出離，知名法智。

比類智亦有四種：一、以因比類知果。二、以果比類知因。

三、以身、語業比類知心。四、以所說法比類知佛。

他心智亦有四種：謂：從四緣生，亦能為四緣，此智所知亦爾。

世俗智亦有四種：一、知名世俗。二、知縛世俗。

三、知假立世俗。四、知執著世俗。

苦智亦有四種：一、知生苦。二、知流轉苦。

三、知熱惱苦。四、知和合苦。

集智亦有四種：一、知業。二、知煩惱。三、知愛。四、知事。

滅智亦有四種：一、知三結永斷。二、知薄貪、瞋、癡。

三、知五順下分結盡。四、知一切結盡。

道智亦有四種：一、知從第八補特伽羅一切學位諸有所作。

二、知降伏怨敵。

三、觀本所作。四、觀近盡漏。

盡智亦有四種：一、見所不攝。二、遠離空定。

三、非他心智。四、加行遲緩。

無生智亦有四種：一、因故。二、果故。

三、相續故。四、補特伽羅。

此中所說四法智等，汎釋經中，諸智差別，非皆即是法智等攝。

復次，應說十智，總為一智：謂：法智，皆以法為體故。

應說十智，總為一智：謂：類智，皆是聖種類故。

應說十智，總為一智：謂：決定智，以決定義，是智義故。

應說十智，總為一智：謂：所知智，知所知故，重審決故。

應說十智，總為一智：謂：道智，道諦攝故。

應說十智，總為一智：謂：願智，能滿所願故。
應說十智，總為一智：謂：盡智，煩惱盡者，身中得故。
應說十智，總為一智：謂：無生智，不退墮故。

云何法智？

答：於欲界諸行、諸行因、諸行滅、諸行能斷道，所有無漏智。

此中…

諸行者→謂：苦諦；諸行因者→謂：集諦。

諸行滅者→謂：滅諦；諸行能斷道者→謂：道諦。

能知欲界如是四諦，諸無漏智，總名法智。

又！於法智及法智地，所有無漏智，是謂：法智者。

問：何故復說此耶？

答：前雖說能斷欲界諸行無間道，而未說加行、解脫勝進道，今欲說之。

此中…

法智者，謂：三道法智。

法智-地者，謂：三道法智-相應俱有等法。

復次，能斷道者：謂：無間道-法智。

法智者，謂：餘三道法智。

法智-地者，謂：四道法智-相應俱有等法及四法忍品。

復次，能斷道者：謂：能斷欲界煩惱四道無漏法。

法智者，謂：餘時所起，所修法智。

法智地者，謂：彼相應俱有等法。

次後類智，准此應知；他心智等，如文廣說，應知其相。

法智…乃至道智，於八智中，一一攝幾？

問：何故作此論？

答：為止他宗，顯正理故。

謂或有執～諸法攝者。謂：攝他性，不攝自性，如分別論者。

為遮彼執，欲顯～諸法皆攝自性，不攝他性，故作斯論。

此中理趣，如《結蘊》中，已廣分別。

【法智攝他智】

答：法智攝法智、五智少分：謂：他心智、苦、集、滅、道智者。

此中…

(1)總說法智攝法智：

然！法智，在六地：未至定者攝未至定者…乃至第四靜慮者攝第四靜慮者。

又法智，有四種。謂：四諦智，苦智攝苦智…乃至道智攝道智。

又法智，在三世：過去攝過去，未來攝未來，現在攝現在，過去、未來各多剎那，一一自攝。

(2)即此法智攝他心智-少分者。

謂：他心智，有有漏、有無漏，此唯攝無漏。

彼無漏，復有法智品、有類智品，**此唯攝**法智品，故說**攝**彼少分。

(3)即此**法智攝**苦、集、滅、道智-少分者。

調：彼四智，各有法智品、有類智品，**此唯攝**法智品，故說**攝**彼少分。

【類智攝他智】

類智攝類智、五智少分：調：他心智、苦、集、滅、道智者。

此中…

(1)**總說**類智**攝**類智：

然！類智，在九地：未至定者攝未至定者…乃至無所有處者攝無所有處者。

(2)餘廣說，如法智。

【他心智攝五智】

他心智攝他心智、四智少分：調：法、類、世俗、道智者。

此中…

(1)**總說**他心智**攝**他心智：

然！他心智，在四根本靜慮：初靜慮者攝初靜慮者…乃至第四靜慮者攝第四靜慮者。

又他心智，有有漏、有無漏，有漏攝有漏，無漏攝無漏。

此有漏者，有曾得、有未曾得：曾得攝曾得，未曾得攝未曾得。

此無漏者，有法智品、有類智品：法智品攝法智品，類智品攝類智品。

又此他心智，通三世：過去攝過去，未來攝未來，現在攝現在，過去、未來各多剎那，一一自攝。

(2)即此他心智**攝**法智-少分者：調：

•法智，在六地：**此唯攝**彼在四根本靜慮者。

又法智，有四種。調：四諦智，**此唯攝**彼道智。

•又彼道智，有別緣者、有總緣者：

有緣現在者、有緣過去、未來者；有緣自相續者、有緣他相續者；有緣心、心所法者、有緣餘蘊者，**此唯攝**彼別緣、現在、他相續、心、心所法，故說**攝**彼少分。

如說：**此攝**法智少分；說：**此攝**類智少分亦爾。

有差別者：應說類智，在九地，**此唯攝**彼在根本四靜慮者。

(3)又此他心智**攝**世俗智-少分者：調：

世俗智，在十八地：**此唯攝**彼在根本四靜慮者。

又世俗智，有善、染污、無覆無記，**此唯攝**彼善者。

又彼善者，有別緣者、有總緣者：

廣說如前，**此唯攝**彼別緣、現在、他相續、心、心所法者，故說**攝**彼少分。

(4)又此他心智**攝**道智-少分者：調：

道智，在九地：此唯攝彼在根本四靜慮者。

又彼道智，有別緣者、有總緣者：

廣說如前。此唯攝彼別緣、現在、他相續、心、心所法者，故說攝彼少分。

【世俗智攝他心智】

世俗智攝世俗智、他心智-少分者。

此中…

(1)總說世俗智攝世俗智：

然！世俗智，在十八地：欲界者攝欲界者…乃至非想非非想處者攝非想非非想處者。

又世俗智，有善、染污、無覆無記：善者攝善者，染污者攝染污者，無覆無記者攝無覆無記者。

又世俗智，通三世：過去攝過去，未來攝未來，現在攝現在，過去、未來各多剎那，一一自攝。

(2)又世俗智攝他心智-少分者：謂：他心智，有有漏、有無漏，此唯攝彼有漏者故，說攝彼少分。

【苦智攝苦智、二智少分】

苦智攝苦智、二智少分，謂：法、類智者。

此中…

(1)總說苦智攝苦智：然！苦智，在九地：未至定者攝未至定者…乃至無所有處者攝無所有處者，餘如前說。

(2)又此苦智攝法智-少分者：謂：法智：有苦、集、滅、道智，此唯攝彼苦智，故說攝彼少分。

如說：此攝法智-少分；說：此攝類智-少分亦爾。

【集、滅智攝苦智、二智少分】

如苦智攝一智、二智-少分；集智、滅智，應知亦爾。

【道智攝道智、三智少分】

道智攝道智、三智少分，謂：法、類、他心智者。

此中…

(1)總說道智攝道智：然！道智，在九地：未至定者攝未至定者…乃至無所有處者攝無所有處者，餘如前說。

(2)又此道智攝法、類智-少分者：如前苦智攝法、類智-少分說。

(3)又此道智攝他心智-少分者：謂：他心智，有有漏、有無漏，此唯攝彼無漏者，故說攝彼少分。

此中…

攝者，謂：攝自性，自性於自性實有可得，不離、不脫、常住、不空，恒為障礙，故說為攝。

關於八智之相互成就關係

若成就法智…乃至廣說。

問：何故作此論？

答：為止他宗，顯正理故。

謂或有執～無實成就、不成就性，如譬喻者。

為遮彼執，顯～成就性、不成就性，決定實有。故作斯論。

若成就法智，於此八智，幾成就？幾不成就？

【A·苦法智、苦類智忍時，B·苦類智、集法智忍時，C·集法智…乃至滅法智忍時，D·滅法智…乃至道法智忍時，E·道法智…乃至道類智時。】

【A·苦法智、苦類智忍時】

答：或三、四、五、六、七、八。謂：

苦法智、苦類智忍時：無他心智，成就三；有他心智，成就四。

此中…

•三者→謂：法智、苦智、世俗智。

•四者→謂：前三，加他心智。

若未離欲染入正性離生者，爾時成就三。

若已離欲染入正性離生者，爾時成就四。後諸所說，准此應知。

●苦法智時：

法智、苦智：成就現在、未來。即一智體以對治，故名法智；以行相，故名苦智。

世俗、他心智：成就過去、未來。

●苦類智忍時：增見、增慧、增道，非智、非名。

爾時法智、苦智、世俗智或他心智，皆唯成就過去、未來，以現在無故。後諸所說，准此應知。

【B·苦類、智集法智忍時】

苦類智、集法智忍時：無他心智，成就四；有他心智，成就五。

此中…

•四者→謂：法、類、苦、世俗智。

•五者→謂：前四，加他心智。

●苦類智時：增見、增慧、增道、增智、增名，謂：類智名。

此苦智，名苦法智時，已得故。

●集法智忍時：增見、慧、道，非智、非名。

【C·集法智…乃至滅法智忍時】

集法智…乃至滅法智忍時：無他心智，成就五；有他心智，成就六。

此中…

•五者→謂：法、類、苦、集、世俗智。

•六者→謂：前五，加他心智。

●集法智時：增見、慧、道及智名，謂：集智名。

此法智，名苦法智時，已得故。

- 集類智忍、集類智、滅法智忍時：增見、慧、道，**非智、非名**。所以者何？集類智時，所得集智名，**不異**(沒有差別、等同)集法智時，所得集智名故。
爾時所得類智名，**不異**苦類智時，所得類智名故。

【D・滅法智…乃至道法智忍時】

滅法智…乃至道法智忍時：無他心智，成就六；有他心智，成就七。

此中…

- 六者→調：法、類、苦、集、滅、世俗智。
- 七者→調：前六，**加**他心智。
- 滅法智時：增見、慧、道及智名，調：滅智名。
- 滅類智忍、滅類智、道法智忍時：增見、慧、道，**非智，非名**。所以者何？滅類智時，所得滅智名。**不異**滅法智時，所得滅智名故。
爾時所得類智名，**不異**苦類智時，所得類智名故。

【E・道法智…乃至道類智時】

道法智…乃至道類智時：無他心智，成就七；有他心智，成就八。

此中…

- 七者→調：八智中，**除**他心智。
- 八者→調：前七，**加**他心智。
- 道法智時：增見、慧、道及智名。調：道智名。道類智忍、
- 道類智時：增見、慧、道，**非智、非名**。所以者何？道類智時，所得道智名，**不異**道法智時，所得道智名故。
爾時所得類智名，**不異**苦類智時，所得類智名故。

若**成就**類智…乃至若**成就**道智，於此八智成就少多，如文廣說，應知其相。

增見、慧、道及增智、名。如法智中，應知其相。

然！成就**法智**及**苦智**，以**苦法智**時，為**初成就**。（**法智+苦智=苦法智**）

類智，以**苦類智**時，為**初成就**。（**類智+苦智=苦類智**）

他心智，以離欲染第九解脫道及無色界沒，生色界中-有結生心，為**初成就**。

世俗智，**無初**，一切有情**本成就**故。

成就**集智**，以**集法智**時，為**初成就**。（**集智+法智=集法智**）

滅智，以**滅法智**時，為**初成就**。（**滅智+法智=滅法智**）

道智，以**法智**時，為**初**。（**道智+法智=道法智**）

法、類、苦、集、滅、道智，從**初得後**…乃至未般涅槃，**恒時成就**。

世俗智，從**不可知本際**…乃至未般涅槃，**恒時成就**。

他心智，已離欲染，未生無色界、未般涅槃，**恒時成就**。

是謂此處**略毘婆沙**。

若修法智亦類智耶…乃至廣說。

問：何故作此論？

答：為止他宗，顯正理故。

謂或有說～善、染、無記法，皆有修義。

為遮彼執，顯～唯善有為法，得有修義，云何知然？如《契經》說：「善有為法，應修，非餘。」所以者何？

若法智者，為愛果故，精勤修習，令漸增長，說名為「修」。

•唯善有為法能得愛果。謂：得世間可愛異熟、增上果故，亦得出世離繫果故。諸有智者，精勤修習，從下至中、從中至上，令速獲得所求愛果。

•染、無記法及善無為，無如是用，故不名修。

或有～撥無未來修義。謂：過去、未來，俱無實體故。

為遮彼執，顯～定實有過去、未來，現在能修未來善法。謂：現在世，勝善為因，引起未來諸善法得，由得彼法，故說彼為「所修」。

若無能修未來善者，則應無有得果等義。謂：得果等時…

現在唯有一智，未來修八智。

現在唯有一行相，未來修十六行相。

現在唯有一剎那，未來修無量剎那。

現在或唯有有漏心、心所法，未來修有漏、無漏心、心所法。

或有現在唯有無漏心、心所法，未來修無漏、有漏心、心所法。

如是等事，皆應不成。

復次，諸佛證得大菩提時，現在唯有盡智功德。若無未來修善義者，則應諸佛無一切智。勿有此等大過失故，必應許修未來善法。

為遮此等種種異執，及顯正理，故作斯論。

修，有四種，如前廣說，此中唯依二修作論，謂：得修、習修。